



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 166. De Aldgeri traditione in pago Bardengo, nec non de traditione in villa Heclo in pago Sthurmidi, et in villa Heloon in pago Tilithi.

urn:nbn:de:hbz:466:1-36114

Ab anno
826 vique
853 im-
perante
Hudo-
uuico et

§. 164.

Tradidit adaluardus cum fratribus suis pro matre sua syburg in *luchtringi* (G) duos iurales testes marchodo berndag dang uuelp aldric. Tradidit idem in *witthem* (H) iurales V. testes odi bernheri uuighelm thiadbern.

§. 165.

Tradidit ailuardus II. mansos unum in *falbus* (I) alterum in *heylcanbus* (K) testes thiadricus bodo berndag aymo fini et alii tres. Tradidit beio in *redun* (L) pro anima hunoldi quidquid idem hunoldus ibi habuit testes adold aeric hrodbert brun et alii sex.

§. 166.

Tradidit aldger in *barndengo* (M) quidquid ibi habuit testes marchodo comes eisulf asic tiaddag unroc.

tra-

in diecesibus Paderbornensi ac Corbeienti, et 10) expungendos esse in tabula Angariae in *Originibus Pyrmont*. tam pagum Niterli, quam pagum Nithega, quos auctor collocat in principatu Waldeccensi, et restituendum ibi pagum Netga ad fluuium Neire, ut iam supra demonstrauimus.

- De villa Erpeshus. (F) *Erpeshus* villa in nostro Registro posita inuenitur in *pago Nithega*. Nulla ergo ipsa est alia villa, nisi vicus *Erbjen*, in episcopatu Paderbornensi haud procul ab oppido Nihem conspicuus.
- De villa Luchtringi. (G) *Luchtringi* villa erat in *pago Auga*, testante Registro nostro. Locus hodie dicitur Luchteringen ad Wiseram, qui ne quidem iter dimidiae horae abest a Corbeia nostra.
- De villa Witthem. (H) *Witthem* villa erat posita in *pago Auga*, dudum desolata. Confer supra §. 19. not. (E).
- De villa Falbus. (I) *Falbus* erat, ut didicimus ex Registro Bonorum abbatis nostrae, in *pago Nithega*, dudum desolata. Existit vero olim villa haec haud procul a monasterio Gerden in episcopatu Paderbornensi.
- De villa Heylcanbus. (K) *Heylcanbus* villa olim reperiebatur in *pago Nithega*, testante Registro nostro. Probabiliter designatur Helkerfen seu Helgerfen, in episcopatu Paderbornensi locus.
- De villa Redun. (L) Villa *Redun* erat sita in *pago Levi*, testante Registro abbatis Sarachonis. Pagum *Levi* existisse circa monasterium Wildeshulen ad flumen dictum *die Hunte*, vidimus iam supra. Probabilissime ergo designatur vicus *Rebden* in comitatu Diepholtano. Ex hoc situ loci verisimillimum fieri putamus, *Hunoldum*, ad quem spectarunt bona in villa *Redun*, fuisse illum *Hunoldum*, quem infra per coniecturam pro fatore comitum de Oldenburg, Hoja et Bruchhausen, venditabimus. An Beio eius filius seu consanguineus fuerit, non addunt traditiones. Ergo et nos illud in medio relinquimus.
- De pago Bardengo. (M) *Barndengo* poni pro pago, ex terminatione *go* manifestum est, quippe quae pagum significat. Arbitramur autem, eundem pagum esse pagum Bardengo in Principatu Luneburgico, de quo supra egimus §. 125. not. (1) et §. 126. not. (p). Haec in pago Bardengo bona post haec in manus mortuas monasterii, in Ullesheim siti, peruenere. An vero horum bonorum traditor *Aldger*, quod nomen ex Adalgario contractum videtur, sit Aldger, qui supra §. 48. in villa *Scherua* quadam donauit, incertum est. Fortassis horum indicatur vnus, quorum

tradidit horid in pago *Sturmidi* (N) in loco qui dicitur *heclo* mansum unum et familiae duas testes eilhard raynfrid unroc tydfo.

tradidit hildibert in *heloon* (O) pro animabus gherbern et theodbern quidquid habuit testes folcuert fini bruno ecbert et alii XII.

tradidit altric testes iidem qui supra traditionis horid.

§. 167.

Tradidit *gherold* (P) quidquid habuit in *thiednodeshus* in *suilbergi* (Q) testes eilbert unroc tydfo.

§. 168.

rum alter ad Billinghamam, alter vero ad Brunonianam familiam spectasse videtur, qui pater fuit Adalgarii abbatis Corbeiensis, cuius germanus fuit Adalgarius Hammaburgensis archiepiscopus, testante Vita S. Rimberti p. 742. ed. Fabric.

(N) *Pagum Sturmidi* fuisse in episcopatu Verdensi, negari non potest. Notissimum De pago diploma foundationis episcopatus Verdensis euincit, statuisse Carolum M. ecclesiam *Sturmidi* et cathedram episcopalem super Aleram fluuium in pago, qui *Sturmi* dicitur, et in loco *Fardun* vocato. Quamuis enim quaedam sint, quae huic diplomati, vti diplomati foundationis ecclesiae Bremensis, falsitatis maculam inurere possint, antiquum tamen est, et demonstratio ex eo instituta, qua pagus *Sturmi* in episcopatu Verdensi locatur, reici non poterit. Eandem sententiam quoque approbat diploma caesaris Ottonis III, quo idem imperator anno 985 concedit Brunoni episcopo Verdensi (Chronicon Episcoporum Verdenf. T. II. S. R. B. Leibnitii f. 215. Erponi episcopo id factum fuisse perhibet, quod transeat cum ceteris huius Chronici erroribus) ius venandi in pago *Sturmio*, quod Brunoni episcopo nulli admodum emolumento esse potuisset, si extra diocesin Verdensem pagus *Sturmio* exstitisset. Villae in hoc pago erant *Fardun*, *Ekina* et *Ekynon*, atque *Heclio*.

(O) *Heloon* villa in antiquissimo Registro nostro ponitur in pago *Tilitibi*, qui erat in praefectura Gronde, *Ohlen* et *Polle* ad *Wiseram*, vti supra demonstraui §. 105. not. (γ) Neutiquam ergo errabimus, si per *Heloon* designari intelligimus *Helen* ad *Wiseram* inter *Bodenwerder* et *Hamelen* oppida, seu, vti mentem distinctius explicemus, inter *Keminade* monasterium et praefecturam Gronde. Nunc ille vicus pertinet ad comites, de *Schulenburg* dictos, olim vero erat sedes quorundam nobilium de *Helen*, ministerialium Corbeiensium, de quibus egimus in Clientela Corbeiensi. *Hildibertum* supra inter progenitores comitum *Euersteinen* retulimus, id quod e situ villae *Heloon* in meditullio comitatus *Euersteinen* reperiunda conclusimus. Quantum vero etiam e nominum similitudine colligimus, iudicamus, fratrem fuisse *Gherberni* et *Theodberni Euerbardum* Saxonem, filium *Meginhardi* comitis, quem anno 881 a Nordmannis captum mater eius *Euesu* postea magno pretio dato in columnam recepit, Annalista Saxone teste Tom. I. Eccardi p. 220. Probabile enim est, *Euerbarde* illi nomen esse inditum, ab auo suo petiit. Cumque *Euerbarde* II pronepos e fratre fuerit *Meinwercus* seu *Meginhardus*: vnum enim idemque nomen est, vti diplomata probant, quae *Meinwercum* episcopum Paderbornensem aliquando etiam appellabant *Meginhardum*; eo ipso haec nostra sententia probabilior redditur.

(P) De *Geroldo* eiusque progenitoribus et posteris iam quidem supra §. 163. not. (D) De comitibus pluribus egimus. Intermittere autem non possumus, quin quaedam addamus, vti nostram de eo sententiam probabiliolem reddamus. Cum enim l. c. dixerimus, *Geroldi* IV patrem fuisse *Geroldum* III, pannonicum limitis custodem, ac matrem *Alsburg* e *Brunoniana* domo; post hoc deprehendimus, eius quoque fecisse mentionem auctorem Vitae *Meinwerci* episcopi Paderbornensis Tom. I. Leibnit. p. 545. his verbis: *Meinwercus iuxta principale quoque monasterium capellam quandam, capella in honore sanctae Mariae perpetuae virginis a Geroldo, Carolo*